



აჭარის ავტონომიური რესპუბლიკის
მთავრობის საქვეუწყებო დაწესებულება
ტურიზმისა და კურორტების დეპარტამენტი

სატრენინგო მომსახურებების სახელმწიფო შესყიდვის
გამარტივებული ელექტრონული ტენდერის

სატენდერო დოკუმენტაცია

წინამდებარე სატენდერო დოკუმენტაცია შედგენილია „სახელმწიფო
შესყიდვების შესახებ“ საქართველოს კანონის 12¹ მუხლის, „გამარტივებული
შესყიდვის, გამარტივებული ელექტრონული ტენდერისა და ელექტრონული ტენდერის
ჩატარების წესის დამტკიცების შესახებ“ სახელმწიფო შესყიდვების
სააგენტოს თავმჯდომარის 2011 წლის 7 აპრილის N9 ბრძანების
საფუძველზე.

2014 წელი 31 ოქტომბერი
ქ. ბათუმი

სარჩევი

1. ტექნიკური დოკუმენტაცია	3
2. სახელმწიფო შესყიდვის შესახებ ხელშეკრულების პროექტი	8
3 დამატებითი ინფორმაცია	14
4. დანართი N1- რეკვიზიტები	15
5. დანართი N2 - ფასების ცხრილი	16
6. დანართი N3 - ინფორმაცია პრეტენდენტის გამოცდილების შესახებ	17

ტექნიკური დოკუმენტაცია

1. პრეტენდენტის მიერ სისტემაში ასატვირთი მონაცემები:

1.1. პრეტენდენტმა უნდა წარმოადგინოს რეკვიზიტები - **№1 დანართის** მიხედვით;

1.2. სატენდერო წინადადების ფასი - ფასების ცხრილი - **№2 დანართის** მიხედვით;

1.3. გამოცდილების და კვალიფიკაციის დამადასტურებელი დოკუმენტები:

ა) ინფორმაცია პირის (ორგანიზაციის) სატრენინგო მომსახურების პროფილით არანაკლებ 4 წლიანი გამოცდილების შესახებ - **№3 დანართის** მიხედვით.

ბ) ინფორმაცია პირის (ორგანიზაციის) მიერ გაწეული არანაკლებ 4 მსგავსი სატრენინგო მომსახურების შესახებ. (წარმოსადგენია შემსყიდველ ორგანიზაციებთან გაფორმებული ხელშეკრულებების და ხელშეკრულებებით გათვალისწინებული ვალდებულების შესრულების დამადასტურებელი დოკუმენტები (მიღებ-ჩაბარება)- დანართი №3-ის შესაბამისად).

გ) ძირითადი სპეციალისტ(ებ)ის - უცხოელი ტრენერ(ებ)ის შესაბამისი განათლებისა კვალიფიკაციის დამადასტურებელი დოკუმენტი (საერთაშორისო სტანდარტებით აღიარებულ დიპლომი/სერტიფიკატი ან მასთან გათანაბრებული დოკუმენტი).

დ) უცხოელ ტრენერ(ებ)ს უნდა ჰქონდეს ევროკავშირის ქვეყნებში, ა.შ.შ-ში, კანადაში ან სხვა განვითარებულ ქვეყნებში სასტუმრო სფეროში მუშაობის ან/და ტრენინგების ჩატარების არანაკლებ 10 (ათი) წლიანი გამოცდილება (წარმოსადგენია შესაბამისი გამოცდილების დამადასტურებელი დოკუმენტ(ებ)ი);

ე) ამავე სფეროში ტრენერის თანაშემწის - ქართველი ექსპერტის განათლებისა კვალიფიკაციის დამადასტურებელი დოკუმენტი;

პრეტენდენტის მიერ სისტემაში წარმოდგენილი დოკუმენტები უნდა იყოს ქართულ ენაზე, ხოლო დოკუმენტების უცხოურ ენაზე წარდგენის შემთხვევაში, მათ უნდა დაერთოს სანოტარო წესით დადასტურებული თარგმანები ქართულ ენაზე. წინააღმდეგ შემთხვევაში დოკუმენტი არ განიხილება.

2. შესყიდვის ობიექტი ტექნიკური დავალებები:

2.1. გამარჯვებულმა პრეტენდენტმა უნდა განახორციელოს 2 (ორი) სატრენინგო მომსახურება (შემდგომში - ტრენინგი) განთავსების ობიექტებისათვის, შემდეგი მიმართულებით:

ა) აჭარის ა/რ ფარგლებში არსებული განთავსების ობიექტების - სასტუმროებისა და სასტუმრო სახლების (გესთ ჰაუსები) მმართველი რგოლის მენეჯერების (**30 პიროვნება**) ტრენინგის ორგანიზება;

ბ) აჭარის ა/რ ფარგლებში არსებული განთავსების ობიექტების - სასტუმროებისა და სასტუმრო სახლების (გესთ ჰაუსები) საშუალო რგოლის მენეჯერების - (ადმინისტრატორები, სასტუმროს მიმღები/რეცეფშენი) (**40 - ორმოცი პიროვნება**) ტრენინგის ორგანიზება;

ა) აჭარის ა/რ ფარგლებში არსებული განთავსების ობიექტების მმართველი რგოლის მენეჯერების ტრენინგის ორგანიზება;

გამარჯვებულმა პრეტენდენტმა უნდა უზრუნველყოს აჭარის ა/რ ტერიტორიაზე არსებული განთავსების ობიექტების - სასტუმროებისა და სასტუმრო სახლების (გესთ ჰაუსები) მმართველი რგოლის მენეჯერების (**სულ 30 პიროვნება**) ტრენინგის ორგანიზება აჭარის ა/რ ტურიზმის და კურორტების დეპარტამენტის მიერ მიწოდებული სიის შესაბამისად.

განთავსების ობიექტების მმართველი რგოლის მენეჯერების აღნიშნული რაოდენობა უნდა დაიყოს არანაკლებ **2 (ორი)** ჯგუფად, თითოეული ჯგუფის ტრენინგის ხანგრძლივობა არ უნდა აღემატებოდეს 4 საათს დღეში.

თითოეული ჯგუფის ტრენინგის საკითხები და ხანგრძლივობა უნდა აკმაყოფილებდეს შემდეგ პირობებს:

მართვის უნარები.	4 სთ.
მისაღების ოპერირება.	3 სთ.
კლიენტის მომსახურება	3 სთ.
დალაგება და დასუფთავება	3 სთ.
კვება და სასმელი	3 სთ.
უსაფრთხოება და გადაუდებელი პირველადი დახმარება	3 სთ.
მარკეტინგული საკითხები უშუალოდ სასტუმრობისათვის; ონლაინ მარკეტინგი.	4სთ.
სურსათის უვნებლობისა და ხარისხის შესახებ ბოლო ერთ წელიწადში შეტანილი საკანონმდებლო ცვლილებები. ასევე, ამ თემასთან დაკავშირებით, ევრო კავშირთან ასოცირების ხელშეკრულებიდან გამომდინარე მომავალში მოსალოდნელი საკანონმდებლო ცვლილებები.	3 სთ.

ბ) აჭარის ა/რ ფარგლებში არსებული განთავსების ობიექტების საშუალო რგოლის მენეჯერების ტრენინგის ორგანიზება:

გამარჯვებულმა პრეტენდენტმა უნდა უზრუნველყოს აჭარის ა/რ ფარგლებში არსებული განთავსების ობიექტების - სასტუმროებისა და სასტუმრო სახლების (გესტ ჰაუსები) საშუალო რგოლის მენეჯერების - (ადმინისტრატორები, სასტუმროს მიმღები/რეცეფშენი) (40 - ორმოცი პიროვნება) ტრენინგის ორგანიზება აჭარის ა/რ ტურიზმის და კურორტების დეპარტამენტის მიერ მიწოდებული სიის შესაბამისად.

განთავსების ობიექტების საშუალო რგოლის მენეჯერების აღნიშნული რაოდენობა უნდა დაიყოს არანაკლებ 2 (ორი) ჯგუფად და თითოეული ჯგუფის ტრენინგის ხანგრძლივობა არ უნდა აღემატებოდეს 4 საათს დღეში.

თითოეული ჯგუფის ტრენინგის საკითხები და ხანგრძლივობა უნდა აკმაყოფილებდეს შემდეგ პირობებს:

მართვის უნარები	3 სთ.
მისაღების ოპერირება. სასტუმროების მიერ გამოყენებული შემოკლებები	4 სთ.
კლიენტის მომსახურება	4 სთ.
დალაგება და დასუფთავება	3 სთ.
კვება და სასმელი	3 სთ.
უსაფრთხოება და გადაუდებელი პირველადი დახმარება	3 სთ.
მარკეტინგული საკითხები უშუალოდ სასტუმრობისათვის, ონლაინ მარკეტინგი	3 სთ.

სურსათის უვნებლობისა და ხარისხის შესახებ ბოლო ერთ წელიწადში შეტანილი საკანონმდებლო ცვლილებები. ასევე, ამ თემასთან დაკავშირებით, ევრო კავშირთან ასოცირების ხელშეკრულებიდან გამომდინარე მომავალში მოსალოდნელი საკანონმდებლო ცვლილებები.	3 სთ.
პრაქტიკული მეცადინეობა სასტუმროში	4 სთ.

გარდა ამისა, ორივე ტრენინგის დასაწყისში და ტრენინგის დასრულების შემდეგ გამარჯვებულმა პრეტენდენტმა უნდა ჩაატაროს პრე და პოსტ ტესტებით (ქართულ ენაზე) მსმენელთა შეფასება. ასევე უნდა მოამზადოს საბოლოო საგამოცდო ტესტი ქართულ ენაზე.

2.2. გამარჯვებულმა პრეტენდენტმა ასევე უნდა განახორციელოს:

გამარჯვებულმა პრეტენდენტმა სრულად უნდა უზრუნველყოს (ყველა თემა უნდა იქნას წაკითხული უცხოელი ტრენერ(ებ)ის მიერ) სატრენინგო მომსახურება უცხოელი ტრენერ(ებ)ის მონაწილეობით.

ორივე სატრენინგო მომსახურება უნდა განხორციელდეს უცხო ენაზე (სასურველია ინგლისურ ენაზე). ტრენერს უნდა ჰყავდეს თანაშემწედ ანალოგიურ სფეროში ქართველი ექსპერტი, რომელიც გაითვალისწინებს ქართულ სპეციფიკას და დაეხმარება კომუნიკაციაში (ახსნა-განმარტებაში). თუ უცხოელი ტრენერი საქართველოში მუშაობს და კითხულობს სალექციო კურსს/სატრენინგო კურსს, მას არ ესაჭიროება ანალოგიურ სფეროში ქართველი ექსპერტი კომუნიკაციისათვის.

გამარჯვებულმა პრეტენდენტმა უნდა უზრუნველყოს ორივე ტრენინგის თარჯიმნით მომსახურება.

თემა - სურსათის უვნებლობისა და ხარისხის შესახებ ბოლო ერთ წელიწადში შეტანილი საკანონმდებლო ცვლილებები, ასევე, ამ თემასთან დაკავშირებით, ევრო კავშირთან ასოცირების ხელშეკრულებიდან გამომდინარე მომავალში მოსალოდნელი საკანონმდებლო ცვლილებები - უნდა წაკითხოს ქართველმა სპეციალისტმა (ქართულ ენაზე).

გამარჯვებულმა პრეტენდენტმა უნდა უზრუნველყოს ტრენინგის ჩატარებისთვის აუცილებელი საკონფერენციო დარბაზი, მაღალი კლასის სასტუმროში, შემსყიდველთან წერილობითი შეთანხმების საფუძველზე. ასევე, საკონფერენციო დარბაზის აღჭურვა შესაბამისი ტექნიკითა და მასალით (კომპიუტერი, პროექტორი, დაფა, მარკერი, მსმენელთათვის რვეულები და კალმები).

გამარჯვებულმა პრეტენდენტმა უნდა უზრუნველყოს განთავსების ობიექტების საშუალო რგოლის მენეჯერებისთვის გათვალისწინებული პრაქტიკული მეცადინეობის ჩატარება იმავე სასტუმროში, სადაც ტარდება ტრენინგი.

გამარჯვებულმა პრეტენდენტმა უნდა მოამზადოს ტრენინგის სახელმძღვანელო ქართულ ენაზე, რომელიც გადაეცემა თითოეულ მონაწილეს ტრენინგის დამთავრების შემდეგ, გამოცდამდე. სახელმძღვანელოს ელექტრონული ვერსია უნდა გადაეცეს შემსყიდველ მხარეს შემდგომში გამოყენების მიზნით, საავტორო უფლებით.

ტრენინგის დასრულების შემდეგ თითოეულ მონაწილეზე უნდა გაიცეს ტრენინგის გავლის დამადასტურებელი დოკუმენტი (სერტიფიკატი) შემდეგი შეფასების სისტემის საფუძველზე:

დასწრება	20 ქულა
----------	---------

ტრენინგისას აქტიურობა	10 ქულა
საბოლოო გამოცდა ტესტის სახით	70 ქულა

ტესტის მინიმალური გამსვლელი ქულა – 51
ჯამური მინიმალური გამსვლელი ქულა – 71
ჯამური 70 ქულამდე ეძლევა შეფასება „მოისმინა“
ჯამური 71 – 100 ქულისას ეძლევა შეფასება „გაიარა წარმატებით“

გამარჯვებულმა პრეტენდენტმა ტრენინგის დაწყებამდე 7 დღით ადრე წინასწარ, აჭარის ა/რ ტურიზმისა და კურორტების დეპარტამენტს უნდა მოაწოდოს ტრენინგის ჩატარების ცხრილი თემებისა და ჯგუფების მიხედვით, რათა აჭარის ა/რ ტურიზმისა და კურორტების დეპარტამენტმა უზრუნველყოს ტრენინგზე დასწრების მსურველთა წინასწარი გაფრთხილება.

გამარჯვებულმა პრეტენდენტმა უნდა აწარმოოს სასწავლო ჯგუფების დასწრებისა და ტრენინგის ჩატარების კონტროლის ჟურნალი და შემსყიდველის მოთხოვნის შემთხვევაში საგამოცდო კომისიის შემადგენლობაში შეიყვანოს შემსყიდველის წარმომადგენელი ან წარმომადგენელთა ჯგუფი.

გამარჯვებულმა პრეტენდენტმა უნდა უზრუნველყოს თითოეული თემის წაკითხვისას თვალსაჩინოების სახით თემის პრეზენტაციების (ქართულ ენაზე) გამოყენება.

გამარჯვებულმა პრეტენდენტმა ტრენინგის მიმდინარეობის თითოეული დღისთვის უნდა უზრუნველყოს მინიმუმ ერთი შესვენების (Coffee Break - წყალი, წვენი, ჩაი, ყავა, უალკოჰოლო გამაგრილებელი სასმელები, ბუტერბროდი, კანაპე, ტკბილეული და სხვა) ორგანიზება თითოეული ჯგუფისთვის.

ორივე ტრენინგზე საკონფერენციო დარბაზში გამარჯვებულმა პრეტენდენტმა უნდა განათავსოს ბანერი (ზომით 75სმx180სმ) ტრენინგის შესახებ.

სატენდერო წინადადების ყველა საკითხი უნდა შეთანხმდეს შემსყიდველთან.

3. თუ ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გეძნებათ სატენდერო წინადადების წარდგენისა და შესაბამისად ტენდერში მონაწილეობის შესაძლებლობა.

4. ანგარიშსწორების პირობები:

4.1. სატენდერო წინადადებაში საერთო ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

4.2. ანგარიშსწორება მოხდება უნაღდო ანგარიშსწორებით ლარში.

4.3. ანგარიშსწორება განხორციელდება გაწეული მომსახურების შესაბამისად დოკუმენტების გაფორმებიდან 10 კალენდარული დღის განმავლობაში.

4.4. მიმწოდებელთან ანგარიშსწორება განხორციელდება ფაქტიურად გაწეული მომსახურების შესაბამისად, ტრენინგში დამსწრეთა რაოდენობაზე გაანგარიშებით, მაგრამ არაუმეტეს სატენდერო დოკუმენტაციით გათვალისწინებული რაოდენობისა.

5. მომსახურების გაწევის ვადები და ადგილი:

5.1. მომსახურების გაწევა მიმწოდებლის მიერ უნდა განხორციელდეს ხელშეკრულების გაფორმების თარღის არაუგვიანეს მე-7 კალენდარული დღიდან 20 (ოცი) კალენდარული დღის განმავლობაში.

5.2. მომსახურება უნდა განხორციელდეს ქალაქ ბათუმში.

6. შესყიდვის განხორციელებასთან დაკავშირებული სხვა პირობები განსაზღვრულია სახელმწიფო შესყიდვის შესახებ ხელშეკრულების პროექტით

სახელმწიფო შესყიდვის შესახებ ხელშეკრულება (პროექტი)

ხელშეკრულების პირობების საბოლოო ვარიანტი შეიძლება დაზუსტდეს და დაიხვეწოს ტენდერში გამარჯვებულ პრეტენდენტთან ხელშეკრულების გაფორმების პროცესში.

ხელშეკრულება N

ქ. ბათუმი,

..... 2014 წელი

ერთის მხრივ, აჭარის ა.რ. მთავრობის საქვეუწყებო დაწესებულება ტურიზმისა და კურორტების დეპარტამენტის (შემდგომში „შემსყიდველი“) წარმოდგენილი მისი თავმჯდომარის დემურ დიასამიძის სახით და მეორეს მხრივ სახით (შემდგომში მიმწოდებელი), გამარტივებული

(მიმწოდებლის დასახელება, უფლებამოსილი პირის სახელი, გვარი)

ელექტრონული ტენდერის ჩატარების შედეგად (სატენდერო განცხადება NSP-----, კლასიფიკატორის (CPV) კოდი - 80500000) ვაფორმებთ წინამდებარე ხელშეკრულებას სახელმწიფო შესყიდვის შესახებ შემდეგზე:

1. ხელშეკრულების საგანი და ღირებულება

1.1. შესყიდვის ობიექტია: აჭარის ა/რ ფარგლებში არსებული განთავსების ობიექტების - სასტუმროებისა და სასტუმრო სახლების (გესტ ჰაუსები) მმართველი და საშუალო რგოლის სატრენინგო მომსახურების (შემდგომში - ტრენინგი) ორგანიზება, კერძოდ:

ა) აჭარის ა/რ ფარგლებში არსებული განთავსების ობიექტების - სასტუმროებისა და სასტუმრო სახლების (გესტ ჰაუსები) მმართველი რგოლის მენეჯერების (30 პიროვნება) სატრენინგო მომსახურების (შემდგომში - ტრენინგი) ორგანიზება;

ბ) აჭარის ა/რ ფარგლებში არსებული განთავსების ობიექტების - სასტუმროებისა და სასტუმრო სახლების (გესტ ჰაუსები) საშუალო რგოლის მენეჯერების - (ადმინისტრატორები, სასტუმროს მიმღები/რეცეფშენი) (40 - ორმოცი პიროვნება) სატრენინგო მომსახურების (შემდგომში - ტრენინგი) ორგანიზება;

1.2. ხელშეკრულების საერთო ღირებულება შეადგენს _____ ლარს.

1.3. ხელშეკრულების საერთო ღირებულება მოიცავს მიმწოდებლის ყველა ხარჯსა და საქართველოს კანონმდებლობით გათვალისწინებულ ყველა გადასახადს.

2. მხარეთა ვალდებულებები

2.1. მიმწოდებელი ვალდებულია:

ა) მიმწოდებელი იძლევა ვალდებულებას, რომ გაწეული მომსახურების ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.

ბ) ტრენინგის ჩატარებისთვის უზრუნველყოს საკონფერენციო დარბაზ(ებ)ი მაღალი კლასის სასტუმროში, შემსყიდველთან წერილობითი შეთანხმების საფუძველზე. ასევე, საკონფერენციო დარბაზის აღჭურვა შესაბამისი ტექნიკითა და მასალით (კომპიუტერი, პროექტორი, დაფა, მარკერი, მსმენელთათვის რვეულები და კალმები).

გ) უზრუნველყოს განთავსების ობიექტების საშუალო რგოლის მენეჯერებისთვის გათვალისწინებული პრაქტიკული მეცადინეობის ჩატარება იმავე სასტუმროში სადაც ტარდება ტრენინგი.

დ) აწარმოოს სასწავლო ჯგუფების დასწრებისა და ტრენინგების ჩატარების კონტროლის ჟურნალი (ჟურნალის წარმოების სისწორეზე პასუხისმგებელია მიმწოდებელი).

ე) შემსყიდველის მოთხოვნის შემთხვევაში საგამოცდო კომისიის შემადგენლობაში შეიყვანოს შემსყიდველის წარმომადგენელი ან წარმომადგენელთა ჯგუფი.

ვ) შემსყიდველის მოთხოვნისთანავე წარმოუდგინოს სასწავლო ჯგუფების დასწრებისა და ტრენინგების ჩატარების კონტროლის ჟურნალი.

ზ) ტრენინგების დასრულების შემდეგ თითოეულ მონაწილეზე გასცეს ტრენინგის გავლის დამადასტურებელი დოკუმენტი (სერტიფიკატი).

თ) ტრენინგის დასრულების შემდეგ უნდა მოამზადოს ტრენინგის სახელმძღვანელო ქართულ ენაზე, რომელიც გადაეცემა თითოეულ მონაწილეს ტრენინგის დამთავრების შემდეგ, გამოცდამდე. სახელმძღვანელოს ელექტრონული ვერსია უნდა გადაეცეს შემსყიდველ მხარეს შემდგომში გამოყენების მიზნით, საავტორო უფლებით.

ი) ტრენინგის მიმდინარეობის თითოეული დღისთვის უზრუნველყოს მინიმუმ 1 (ერთი) შესვენების ორგანიზება თითოეული ჯგუფისთვის, კერძოდ: Coffee Break (წყალი, ჩაი, ყავა, უაღკოპოლო გამაგრილებელი სასმელები, ბუტერბროდი, კანაპე, ტკბილეული და სხვა)

კ) ორივე ტრენინგზე საკონფერენციო დარბაზში გამარჯვებულმა პრეტენდენტმა უნდა განათავსოს ბანერი (ზომით 75სმx180სმ) ტრენინგის შესახებ.

ლ) უზრუნველყოს (ყველა თემა უნდა იქნას წაკითხული უცხოელი ტრენერ(ებ)ის მიერ) სატრენინგო მომსახურება უცხოელი ტრენერ(ებ)ის მონაწილეობით.

მ) ორივე სატრენინგო მომსახურება უნდა განხორციელდეს უცხო ენაზე (სასურველია ინგლისურ ენაზე). ტრენერს უნდა ჰყავდეს თანაშემწედ ანალოგიურ სფეროში ქართველი ექსპერტი.

ნ) უზრუნველყოს ორივე ტრენინგის თარჯიმნით მომსახურება.

ო) თემის - სურსათის უვნებლობისა და ხარისხის შესახებ ბოლო ერთ წელიწადში შეტანილი საკანონმდებლო ცვლილებები, ასევე, ამ თემასთან დაკავშირებით, ევრო კავშირთან ასოცირების ხელშეკრულებიდან გამომდინარე მომავალში მოსალოდნელი საკანონმდებლო ცვლილებები - უნდა წაიკითხოს ქართველმა სპეციალისტმა (ქართულ ენაზე).

პ) უზრუნველყოს ორივე ტრენინგის დასაწყისში და ტრენინგის დასრულების შემდეგ პრე და პოსტ ტესტების ჩატარება (ქართულ ენაზე) მსმენელთა შესაფასებლად. ასევე, მოამზადოს საბოლოო საგამოცდო ტესტი ქართულ ენაზე.

2.2. შემსყიდველი ვალდებულია:

ა) გადაუხადოს მიმწოდებელს წინამდებარე ხელშეკრულებით გათვალისწინებული მომსახურების საფასური.

ბ) განახორციელოს ამ ხელშეკრულებით მასზე დაკისრებული სხვა ვალდებულებები.

2.3. ხელშეკრულების ყველა პუნქტი უნდა განხორციელდეს შემსყიდველ მხარესთან - აჭარის ა.რ ტურიზმისა და კურორტების დეპარტამენტთან შეთანხმებით.

3. ხელშეკრულების შესრულების კონტროლი

3.1. შემსყიდველს ან მის წარმომადგენლებს საჭიროების შემთხვევაში უფლება აქვთ განახორციელონ ტექნიკური კონტროლი რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

3.2. მიმწოდებელი ვალდებულია საკუთარი რესურსებით უზრუნველყოს შემსყიდველი კონტროლის (ინსპექტირების) ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის

(ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

3.3. ხელშეკრულების 3.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს აჭარის ა/რ ტურიზმისა და კურორტების დეპარტამენტის

4. მომსახურების გაწევის ვადები, პირობები და ადგილი

4.1. მომსახურების გაწევა მიმწოდებლის მიერ უნდა განხორციელდეს ხელშეკრულების გაფორმების თარიღის არაუგვიანეს მე-7 კალენდარული დღიდან 20 (ოცი) კალენდარული დღის განმავლობაში.

4.2. შესყიდვის ობიექტის მიწოდების ადგილია - ქ. ბათუმი.

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება განხორციელდება ფაქტიურად გაწეული მომსახურების შემდეგ, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის, ან/და საგადასახადო ანგარიშ-ფაქტურის (სასაქონლო ზედნადების) გაფორმებით.

5.2. მიღება-ჩაბარების აქტის, ან/და საგადასახადო ანგარიშ-ფაქტურის (სასაქონლო ზედნადების) გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.

5.3. შემსყიდველის მხრიდან მომსახურების მიღება-ჩაბარების აქტზე ხელმოწერი პირ(ებ)ია_____

6. ანგარიშსწორება

6.1. ანგარიშსწორების ფორმა – უნაღდო.

6.2. შემსყიდველი ანგარიშსწორებას ახორციელებს ფაქტობრივად გაწეული მომსახურების შესაბამისად მიმწოდებლის მიერ დოკუმენტების წარმოდგენიდან 10 (ათი) კალენდარული დღის განმავლობაში.

6.3. მიმწოდებელთან ანგარიშსწორება ხორციელდება ლარებში.

6.4. მიმწოდებელთან ანგარიშსწორება განხორციელდება ფაქტიურად გაწეული მომსახურების შესაბამისად, ტრენინგში დამსწრეთა რაოდენობაზე გაანგარიშებით, მაგრამ არაუმეტეს ხელშეკრულებით გათვალისწინებული რაოდენობისა.

7. ფასები

7.1. მიმწოდებლის მიერ დაფიქსირებული ფასი წარმოადგენს ხელშეკრულების ღირებულებით პარამეტრებს.

7.2. ხელშეკრულების ღირებულებით პარამეტრების შეცვლა ხელშეკრულების მოქმედების მთელი პერიოდის განმავლობაში დაუშვებელია.

7.3. ხელშეკრულების ღირებულებითი პარამეტრების შეცვლა დასაშვებია მხარეთა შეთანხმებით.

7.4. ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

7.5. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვების შესახებ ხელშეკრულების ჯამური ღირებულების 10%-ის ზე მეტი ოდენობის გაზრდა.

8. ხელშეკრულებაში ცვლილებების შეტანა

- 8.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორებების გარდა.
- 8.2. თუ რაიმე წინასწარ გაუთვალისწინებელის მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია 5 კალენდარული დღით ადრე წერილობით შეატყობინოს მეორე მხარეს შესაბამისი ინფორმაცია.
- 8.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა „სახელმწიფო შესყიდვების შესახებ“ საქართველოს კანონის და ამ დებულების მოთხოვნათა გათვალისწინებით.
- 8.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

9. უფლებების გადაცემა

- 9.1. მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

10. ხელშეკრულების პირობების შეუსრულებლობა

- 10.1. თუ მიმწოდებელი არ ასრულებს თავის ვალდებულებებს, ხელშეკრულებაში მითითებულ ვადებში, შემსყიდველი წერილობითი ფორმით აფრთხილებს მიმწოდებელს დაიცვას ხელშეკრულების პირობები.
- 10.2. თუ მიმწოდებელი არ ასრულებს ხელშეკრულებით გათვალისწინებულ პირობებს, მაშინ მას დაეკისრება პირგასამტეხლოს გადახდა 0,15 %-ის ოდენობით ყოველ ვადაგადაცილებულ დღეზე.
- 10.3. იმ შემთხვევაში, თუ ვადების გადაცილებით გადახდილი (ან გადასახდელი) პირგასამტეხლოს მთლიანი თანხა გადააჭარბებს ხელშეკრულების ჯამური ღირებულების 5%-ს, ამ ხელშეკრულების მოქმედება ვადამდე შეწყდება.

11. ფორს-მაჟორი

- 11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას და ხელშეკრულების შესრულების გარანტიის დაუბრუნებლობას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.
- 11.2. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს

ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

12. სადაო საკითხების გადაწყვეტა

12.1. შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

12.2. თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს, თუ ხელშეკრულებით სხვა რამ არ არის გათვალისწინებული.

13. გამოყენებული სამართალი

13.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14. ხელშეკრულების ენა

14.1. ხელშეკრულება შედგენილი უნდა იქნას ქართულ ენაზე. იმ შემთხვევაში, თუ ხელშეკრულების მეორე მხარე არის უცხო ქვეყნის წარმომადგენელი, მაშინ მეორე ეგზემპლარი ითარგმნება მიმწოდებლისათვის მისაღებ ენაზე. ინტერპრეტაციისას ქართულ ენაზე დაწერილი ხელშეკრულება წარმოადგენს გადამწყვეტს. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაიცვლება მხარეთა შორის, უნდა შეესაბამებოდეს აღნიშნულ პირობებს.

15. გადასახადები და დაბეგვრა

15.1. უცხოელი მიმწოდებელი პასუხს აგებს გასაწევ მომსახურებასთან დაკავშირებული ყველა იმ გადასახადის, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

15.2. ადგილობრივი მიმწოდებელი პასუხს აგებს საქართველოს კანონმდებლობით დადგენილი გადასახადების, მოსაკრებლების და სხვა გადასახდელების გადახდაზე, თუ ხელშეკრულებით სხვა რამ არ არის გათვალისწინებული.

16. სხვა პირობები

16.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

16.2. მესამე პირთან ურთიერთობაში მხარეები მოქმედებენ სახელით, ხარჯებითა და რისკით.

16.3. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი ეგზემპლარი - მიმწოდებელს, ხოლო ორი ეგზემპლარი - შემსყიდველს). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.4. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.

17. ხელშეკრულების მოქმედების ვადა

17.1. წინამდებარე ხელშეკრულება ძალაშია მხარეების მიერ მისი ხელმოწერის თარიღიდან და მოქმედებს 2014 წლის 31 დეკემბრის ჩათვლით.

18. მხარეთა იურიდიული მისამართები და რეკვიზიტები

<i>„შემსყიდველი“</i>	<i>„მიმწოდებელი“</i>
<i>აჭარის ავტონომიური რესპუბლიკის ტურიზმისა და კურორტების დეპარტამენტი</i>	
<i>საიდენტიფიკაციო კოდი - 245427809</i>	<i>საიდენტიფიკაციო კოდი -</i>
<i>ტელ: (+995) (422) 27 50 23</i>	<i>ტელ:</i>
<i>მისამართი: ქ. ბათუმი, ფარნავაზ მეფის ქ. #84/86</i>	<i>მისამართი:</i>
<i>საბანკო რეკვიზიტები:</i>	<i>საბანკო რეკვიზიტები:</i>
<i>ს.ს. „ლიბერთი ბანკი“</i>	
<i>ბანკის კოდი – LBRTGE22</i>	
<i>ა/ნ – GE88 LB01 2116 2303 587000</i>	
<i>დეპარტამენტის თავმჯდომარე</i>	
<i>_____/დემურ დიასამიძე/ ბ. ა.</i>	

დამატებითი ინფორმაცია:

სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, ქ. ბათუმი, ფარნავაზ მეფის ქუჩა N 84/86. 2-ე სართული. საკონტაქტო პირი: ზვიად ანთაძე ტელ: (577) 14 17 71; ელ.ფოსტა: administration@visitbatumi.travel

მამია ბერძენიშვილი: 577 14 17 68 ტექნიკურ საკითხებთან დაკავშირებით.

ეკატერინე აბესაძე: 577 14 17 47 - ტექნიკურ საკითხებთან დაკავშირებით.

რეკვიზიტები:

1. პრეტენდენტის იურიდიული ფორმა და დასახელება:
2. ხელმძღვანელის სახელი და გვარი:
3. პრეტენდენტის იურიდიული ან/და ფაქტიური მისამართი:
4. საიდენტიფიკაციო კოდი:
5. პრეტენდენტის ტელეფონის ნომერი:
6. ელექტრონული მისამართი:
7. მომსახურე ბანკის დასახელება:
8. ბანკის კოდი:
9. ანგარიშის ნომერი:

პრეტენდენტის ხელმოწერა _____ ბ.ა.
თარიღი _____

შენიშვნა: მიმწოდებლის მიერ სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი და ბეჭედ დასმული.

ფასების ცხრილი

პრეტენდენტის დასახელება _____

№	მომსახურების დასახელება	ტრენინგში მონაწილეთა რაოდენობა	მომსახურების ღირებულება ერთ პიროვნებაზე (ლარი)	მომსახურების ღირებულება ჯამი (ლარი)
1	აჭარის ა/რ ფარგლებში არსებული განთავსების ობიექტების - სასტუმროებისა და სასტუმრო სახლების (გესტ ჰაუსები) მმართველი რგოლის მენეჯერების ტრენინგის ორგანიზება;	30 (ოცდაათი)		
2	აჭარის ა/რ ფარგლებში არსებული განთავსების ობიექტების - სასტუმროებისა და სასტუმრო სახლების (გესტ ჰაუსები) საშუალო რგოლის მენეჯერების - (ადმინისტრატორები, სასტუმროს მიმღები/რეცეფშენი) ტრენინგის ორგანიზება.	40 (ორმოცი)		

სულ ჯამი _____ ლარი.

პრეტენდენტის ხელმოწერა _____ ბ.ა.
თარიღი _____

შენიშვნა: მიმწოდებლის მიერ სახელმწიფო შესყიდვების ერთიან ელექტრონულ სისტემაში ატვირთული ყველა დოკუმენტი უნდა იყოს ხელმოწერილი და ბეჭედ დასმული.

ინფორმაცია პრეტენდენტის გამოცდილების შესახებ

№	გაწეული მომსახურების დასახელება	ხელშეკრულების ღირებულება	მომსახურების გაწევის პერიოდი
1			
2			
3			
4			
5			
6			
7			

სულ ჯამი _____ ლარი.

პრეტენდენტის ხელმოწერა _____ ბ.ა.

თარიღი _____

შენიშვნა: მიმწოდებლის მიერ სახელმწიფო შესყიდვების ერთიან ელექტრონულ სისტემაში ატვირთული ყველადაო კუმენტი უნდა იყოს ხელმოწერილი და ბეჭედდასმული.